

## Informasjon om hjort-, elg- og rådyrjakta – Årdal 2026

Dette skrivet vert sendt ut elektronisk til valda, i tillegg til at det vert lagt ut på heimesida til landbrukskontoret. Det er viktig at de som er valdansvarlege vidaresendar til alle grunneigarar og jegerar i valdet dykkar. Når alle får same informasjon, er det enklare å samarbeida:-) Om det er noko de lurar på, er det berre å ta kontakt!

Det er spanande tider i høve skrantesjuka og reetablering av Nordfjella sone 1 no. Reetableringsplanen vart levert til Landbruks- og Matdepartementet i denne våren, og venter no på handsaming hjå sentrale styresmakter. Inntil vidare er det ikkje endringar i høve oppmodinga om høgt uttak av hjort og elg og prøvetaking for skrantesjuka. Nordfjella sone 1 er framleis i den sokalla brakkleggingsperioden og signala til heile regionen er framleis å halda bestandane låge og ha fokus på prøvetaking av jakta vilt og fallvilt.

Naudsynt info knytt til jakta er samla punktvis under:

### Kvot

Gjeldande bestandsplan for hjort, elg og rådyr vart godkjent 5. juni 2025. Denne gjeld for perioden 2025-27. Det har vore nokre endringar i valda i Årdal sidan juni 2025. Tildelingane til desse valda tek utgangspunkt i dei arealkrava som er omtalt i godkjend plan.

Utgangspunktet for løyvetildelinga i 2026 er 298 løyve for hjort. Det er opna for at valda kan nytta alle fellingsløyva uavhengig av åra i planperioden. I sesongen 2025 var det 138 løyve som ikkje vart nytta, og dei er tilgjengeleg for valda denne sesongen. Det er altså 436 tilgjengelege fellingsløyve for hjort. Løyva skal nyttast i tråd med avskytingsmodellen i godkjend bestandsplan.

For elg er det delt ut 12 fellingsløyve. Desse er spesifiserte løyve og delt ut på kjønn og alder. I bestandsplanen er det oppfordra til at det kunn er kalv og ungdyr som vert felt, så dette må valda teke omsyn til.

For rådyr er det delt ut 30 fellingsløyve. Desse er delt ut som frie løyve frå kommunen, men bestandsplanen legg opp til at valda skal fordela fellinga på 30 % bukk, 20 % geit og 50 % killing av det totale jaktuttaket.

Godkjend bestandsplan kan de finna her:

[https://laerdal.kommune.no/\\_f/p2/i64d72051-d72b-4009-abd4-0989136f2dc8/bestandplan-for-hjort-ardal-kommune-2025-2027.pdf](https://laerdal.kommune.no/_f/p2/i64d72051-d72b-4009-abd4-0989136f2dc8/bestandplan-for-hjort-ardal-kommune-2025-2027.pdf)

## **Jakttid**

Som eit fellingsstimulerande verkemiddel er det utvida jakttid på hjort og elg kring Nordfjella og Hardangervidda, fram til og med jaktåret 2027/28:

- Elg: 15. august - 23. desember
- Hjort: 15. august - 23. desember OG 1. januar - 31. januar
- Rådyrbukk: 10. august-23. desember
- Anna rådyr: 25. september-23. desember.

## **CWD –prøvetaking**

Vaksen hjort og elg skal prøvetakast av jegerane. Prøveresultata er viktige for vegen vidare. Info og utlevering av prøvemateriell skjer på jegermøte i august. Kasse med prøveutstyr står som vanleg på skytebana på Loi.

All generell informasjon om CWD er samla på: <https://www.hjortevilt.no/>

## **Kjeveinnsamling - fluor**

Kjevar frå ungdyr og vaksne dyr av hjort, elg og rådyr skal hengjast på skytebana på Loi. Hugs å merka med utfylt merkelapp. Til ungdyrskjevane kan de ta med lause merkelappar, så treng me ikkje kasta bort ein heil prøvetakingskonvolutt til ungdyra.

## **Jegermøte**

Det vert jegermøte i Årdal 12. august. Meir info om tid og stad kjem seinare.

## **Helikopter**

Statens naturoppsyn tilbyr IKKJE helikoptertransport av slakt denne sesongen. Eventuell utflyging må organiserast privat.

## **Sal av slakt**

Viltkjøt er ein fantastisk matressurs, men me minner om at all omsetning av kjøt frå jakt på hjortevilt er underlagt strenge hygienereglar. Alle som omset kjøt må etterleve ei rekke krav. Mellom anna at berre friske dyr skal bli til mat og at kjøtet er handtert slik at risiko for bakteriar er minimal.

Jegerar kan omsette heile eller grovparterte dyr (maksimalt delt i 8 delar) til privatpersonar som ikkje kan selje kjøtet vidare, føresett at dette skjer på ein trygg og hygienisk måte. Jeger er alltid ansvarleg for det kjøtet han sel eller gjev vekk (Matlova § 16). Jegerane kan også levere kjøt til godkjente vilthandteringsanlegg, anten som feltkontrollert eller saman med indre organ og hovud.

Meir informasjon kan du finne på Mattilsynet sine heimesider:

<https://www.mattilsynet.no/mat-og-drikke/matproduksjon/viltkjott/krav-nar-viltkjott-skal-selges-eller-gis-bort?noJS=true>

Sjå også Haugen gardsmat sin heimeside, om du ønskjer å selja til godkjend viltbehandlingsanlegg lokalt: <https://www.haugengardsmat.no/jegerinfo>

## **Sett-og-skutt**

All jakting skal registrerast på Hjorteviltregisteret. Det er viktig også å registrera jaktdagane utan felling eller observerte dyr. Registreringane gjerast anten ved å logga deg inn på [www.hjorteviltregisteret.no](http://www.hjorteviltregisteret.no) eller ved å lasta ned settogskutt-appen. Det er viktig at jegerane registrerer jaktinga si fortløpande, då har me oversikt over korleis fellingane ligg an underveg i jakta.

I 2018 vart det gjort nokre endringar på korleis jegerane skulle registrera jaktinga si på settogskutt. I korte trekk var endringa den at alle observerte dyr skulle registrerast, uavhengig av om dyret med sikkerheit var sett fleire gonger/av andre. Me trur ikkje mange fekk med seg denne endringa, fordi det ikkje var godt marknadsført. I tida no er sett-hjort-registreringane viktigare enn nokon gong fordi me på den måten kan følgja med på endringane i bestanden opp i mot målet om reduksjon. Ei endring i måten å føra på er difor uheldig fordi det vert vanskelegare å samanlikna tala mellom åra. Difor har me beslutta at me IKKJE VIL FØLGJA endringa som det er lagt opp til i føring av sett-hjort. Alle jegerar skal altså føra sett-hjort som før, og ikkje ta omsyn til endra instruks! Ergo, registrer sett-hjort som «vanleg»!

## **Human jakt**

Sjølv om det er ønskjeleg med høgt fellingsresultat, er det viktig at de tenkjer sikkerheit og human jakt når de er ute. Skyt kalven før kolla. Hugs plikten til å ha tilgang på ettersøkshund –og bruk hunden når uhellet er ute! Her har me ein del å gå på! Viltforvaltinga oppmodar Statens Naturoppsyn til å føra kontroll med human hjorteviltjakt også denne sesongen.

## Samarbeid

Alle hjortevalda i Årdal er med i det som vert kalla «Årdal bestandsplanområde for hjort». Då er det opna for at ein kan flytta løyve mellom valda, og mellom åra i bestandsplanperioden. Ordninga gjeld kunn for hjort (altså ikkje elg og rådyr). Flytting av løyve er brukt i ein viss utstrekning i Årdal, men det er mogleg/ønskjeleg å nytta dette endå meir. For å flytta løyve mellom åra i planperioden trengs det ingen avtale. Alle fellingsane skal meldast inn i fellingsrapporten det året dei er felt. Det vil seia at det er heilt ok at eit vald har meir enn 100% felling eit år. For å flytta løyve mellom vald som er medlem i bestandsplanområdet, må valda ha ei skriftleg avtale om samjakt. Vald i Utladalen driftsplanområde kan kunn flytta løyva sine innad i driftsplanområdet. Ta kontakt om du ønskjer eit ferdig formular på løyveflytting.

Det valdet som får fellingsløyvet tildelt, skal rapportera resultatet, uavhengig av om løyve er nytta på eit anna vald. På settogskutt registrerer jegerane fellingane på det valdet som dyret vart jakta på. Fellingsavgifta vert fakturert valdet som fekk løyvet. Det som truleg vil vera avgrensande for jaktuttaket til hausten er jegeranes tilgjengelege tid til å jakta. Dei valda som «føler seg ferdig» med å jakta i løpet av hausten og som har mykje dyr i terrenget, bør vurderer om dei kan sleppa fleire jegerar inn i terrenget. Dette kan gjerast anten ved at jegerar har med «eigne fellingsløyve» eller at fleire jegerar kan koma inn og jakta på dei løyva som er gitt det aktuelle valdet. Dei merka hjortane fortel oss at dyra nyttar mange vald i løpet av året. Dei dyra som ein kanskje opplever som «eigne dyr», flytter seg oftast mykje, både i løpet av døgeret og sesongen.

## Fellingsavgift

<b>Fellingsavgift:</b>	<b>2026</b>
Hjort ≥ 1,5 år	520
Hjort kalv	0
Elg ≥ 1,5 år	670
Elg kalv	0

## Rapportering

Frist for rapportering til kommunen er 14 dagar etter endt jakttid. Valdansvarleg skal gjera dette i hjorteviltregisteret. Me hjelper gjerne til om de har trong for assistanse!

## Skitt jakt!